



Quotidiana Christiani Militis Tessera

Stanyhurst, Guillaume

Coloniæ Agrippinæ, 1682

29. Dies Augusti. Magni artificis, clausisse totum in exiguo. Seneca epist.
6.

Nutzungsbedingungen

[urn:nbn:de:hbz:466:1-55659](https://nbn-resolving.org/urn:nbn:de:hbz:466:1-55659)

29. DIES AUGUSTI.

Magni artificis est, clausisse totum in exiguo.

Seneca epist. 6.

Eucha-
ristia. I.

Quid magis totum pro homi-
ne, quàm Deus-Homo?
Quid magis exiguum, quàm
punctum? Illud immensum

Totum, circumscribitur unius panis consecrati puncto. Itaque, bonorum omnium compendium, est Eucharistiae mysterium. Non uni Salomoni fuit singulare, sed cuivis homini est commune dicere, & dicendo sibi proponere: (a) *Vadam, & affluam delicias, & fruam bonis.* Vade, quò lubet, ut investiges delicias; nusquam invenies, quibus affluas, delicias, nisi confluas ad illum: (b) *Cujus deliciae sunt, esse cum summa hominum.* Nec tibi latis est, affluere delitiis, cupis & frui bonis. Bonum est velle frui bonis, sed malum est, quærere, quibus fruaris, bona extra summum Bonum. Quid enim, credis esse aliqua bona extra eum, & præter eum, qui (c) *unus est bonus,* Deus? Vade, sed extra eum mala non evades? imò, quod malorum est pessimum, malus evades? sed relicto eo, qui unus, & solus est bonus, quò vades, ut fruaris bonis? (d) *Ad domum convivii?* Ibi (e) *vinum, in quo est luxuria.* Ad campum? Ibi cædes, & prælia. Ad forum? Ibi rixæ, & jurgia. Ad curias? Ibi curæ, & discordiæ. Ad mare? Ibi naufragia, vel naufragii pericula. Ad palatia? Ibi fraudes, & mendacia.

(a) *Eccles. 1. 2.* (b) *Prov. 4. 31.* (c) *Mat. 9. 17.* (d) *Ecc. 7. 3.* (e) *Ephes. 6. 18.*

Quocunque vadis, nusquam est, mala evadendi ef-
fugium, nusquam non mala incurrendi periculum.

II. Tu, qui es adedò ambitiosus bonorum, veni,
sequere præeuntem. (a) *Ego ostendam omne bonum
tibi.* Quo invento, mox exclamabis: (b) *Bonum est,
nos hic esse.* Unum est, quod ex corde extorquet a-
morem, Bonum. Si bonum tibi est amabile: ecce
hîc in terris amabilium omnium amabilissimum,
quia Bonorum omnium optimum, Eucharistia Sa-
cramentum. Hîc rectè dixeris iisdem verbis, sed
alio verborum sensu, quod ille agrorum dives, sed
virtutum egens: (c) *Anima mea, habes multa bona,
posita in annos plurimos, requiesce, comede, bibe, epula-
re?* O Anima! hîc in Eucharistia, habes multa bo-
na? Multa dico? Parum dixi: (d) *Venerunt mihi omnia
bona pariter cum illa.* Sic enim divus Ambrosius: (e)
*Omnia habemus in Christo, & omnia Christus est no-
bis.* Hîc ergò, habes multa bona? & habes illa bona
posita in Christo, & deposita apud Christum? &
scis: (f) *Quia potens est, depositum tuum servare.* Et
quod caput est; habes hæc bona posita ad annos pluri-
mos: imò, si vis, ad annos aternos? Nunc ergò, Re-
quiesce. Si enim hîc paululum subsistas, & requie-
scas, mox exclamabis: (g) *Inveni mihi multam re-
quiem.* Deinde, Comede. Hîc enim est quem co-
medas, cibus: (h) *Caro mea verè est cibus.* Et Bibe: hîc
enim est vinum germinans virgines Et Epulare:
hîc est enim, unde epuleris, (i) *vitulus saginatus.*

Dein-

(a) Exod. 33. 19 (b) Matth. 17. (c) Luc. 12. 19. (d)
Sap. 7. 11, (e) L. 3. de Virginit. (f) 2. Tim. 1. 12. (g) Ps.
76. 6. Escl. 51. 53. (h) Joan. 6. 56. (i) Zach. 9. 27.

Deinde, es hîc in conspectu Dei, nunc autem invitatus ad epulas, dicens: (a) *fusti epulentur, & exultentur in Deo.*

III. Nonne ergò habes hîc bona multa? quando habes, quæ optare possis, bona omnia? Unus Jesus est tibi omnia, per quem facta sunt omnia; imò, qui ipse, omnibus omnia est factus. Ipse tibi erit sitiienti fons, esurienti panis, ægrotanti medicina, ambulanti via, peregrinanti patria, ignorantia scientia, laboranti quies, operanti merces, currenti bravium, deficienti robur, mærenti solatium, pugnanti corona, vincenti gloria, morienti vita, pereuntem salus. Cum igitur unus Jesus sit omnia unicuique, quid superest? quàm, ut illum unum inter omnia, amemus præ omnibus, audientes monitum, & sequentes consilium D. Paulini, sic loquentis, & consulentis (b) *Christum amemus, quem amare, debitum est: illum osculemur, quem osculari, castitas est: illi copulemur, cui nubere, virginitas est: illi subiciamur, sub quo jacere, supra mundum stare est: propter illum deciamur, cui cadere, resurrectio est?* Potestne igitur tibi ad votum optabilior, ad tranquillitatem, securior, ad salutem, utilior esse locus in cælo, vel in terra? quàm esse coram eo: qui (c) *In principio creavit cælum, & terram, & cui (d) data est omnis potestas in cælo, & in terra?* Aude hîc ergo dicere (e) *Quid mihi est in cælo, & à te quid volui super terram?* Ecce hîc cælum, extra cælum, esse apud Jesum! Itaque, *Desere nunc cænum: Christus dum sit tibi cælum,*

29. DIES

(a) *Psal. 67. 4.* (b) *Ep. 5. ad Sever.* (c) *Gen. 1. 1.*
(d) *Matth. 28. 18.* (e) *Psa. 72. 25.*